

COMUN: Al vëgn lascé alsavëi che les domandes do contribuc y aiüc economics por l'ativité ordinara tl ann 2026 a uniuns/assoziaziuns mëss gní dades jö te comun cina le dedolönesc ai 31 de merz. I modui por la domanda é da ciáfë sön la plata internet dl Comun www.comun.sanmartindetor.bz.it o tl secretariat de comun. Domandes dades jö do le termo ne vëgn nia tutes en conscideraziun.

PLOANIES SAN MARTIN Y LUNGIARÜ

Pater Stefano Trevisan, miscionar combonian tl Südsudan, ti dij dilan y Idí ti al paies a düc chi che á daidé cun spënores da renové le comples dla comunité religiosa de süa misiun, atocada da de gran rogossies. Al é gnü ite la bela soma de 19.280 €. N gran dilan a dötes les porsones che á dé na spënores. Sü inoms é publicá söla tofla dles comunicaziuns dan dlíja. Pater Stefano arata ch'al é dërt da publiché i inoms dles porsones, spo sáres che i scioldi é rová a bun post.

Invit ala ora de oraziun en vëndres, ai 13 de forá, dales 20.00, te stüa dla ciasa de nosc Sant sö Oies. Düc é dër bel invíá da tó pert.

SAN MARTIN

Al vëgn bel perié do le contribut por scialdé la dlíja, che vëgn trat ite ince ciamó incö sabeda y domënia ai 7 y 8 de forá. Al pó ince gní paié por banca:
IT 11 J 08010 58830 000304004922.

Le grup jonil di stödafüch da San Martin mët tosc indô man cun süa ativité. Düc i mituns dai 12 agn insö o che i complësc en chësc ann y ess interes da tó pert pó s'anunzié pro Dennis sot al numer 346 95 70 357.

LUNGIARÜ

I seniors y les seniores da Lungiarü é dër bel invíá/des da gní en jöbia grassa, ai 12 de forá, dales 14.00, tl salf dla scora a na picia festa da carlascé cun musiga da bal, crafuns y val' da bëre (*chi/chëres che ó pó sambëgn gní en maschera*).

Por le De de San Valentin

oressi te dí ci che me plej pro te: - túa fedelté

- túa paziënza

- túa generosité

- to müs valënt

- che t'es sciöche t'es

- che te me vëgnes tres indô adincuntra

- che te conësces y soportes mi defec

- che te me mëtes vigni tant a rí

- che te me chërdes dadoman cun la buna löna

- che te ne stas nia a me trá dant ci ch'ia á falé

- che te m'arferes datrai te mi proiec

- che te la vëighes y la sintes gonot sciöche iö

- che te tëgnes sön me

- ch'i pó me lascé sön te

- che te confides tla bunté y tl aiüt de Chël Bel Dì.



Plata dles Ploanies San Martin y Lungiarü

ploan siur Klaus Sottsas 344 15 54 055 - klstottsas@rolmail.net
curat don Marco Veghini - pfarrei.ploania@protonmail.com
redaziun: anton.gasser@rolmail.net - 348 27 44 517 / 0474 523194

08.02.26 - 15.02.26 n. 11

termo por comunicaziuns: jöbia, dales 20.00

5ª DOMËNIA IA POR L'ANN A

Vangele do san Matí 5, 13-16

Te chël tëmp à Gejù dit a sü discepui:

Os sëis le sè dla tera.

Sce le sè perd süa saù, cô pon pa indô le fà sarè?

Al ne vel plü nia; al vëgn sciuré demez y pestè sot dala jënt.

Os sëis la löm dl monn.

Na cité, che é sön na munt,

ne sciafia nia da restè ascognüda.

An n'impëia gnanca na löm

y mët na sèdla surajö,

mo an la mët sön n'ciandelier,

spo ti lomìnera a düc te cíasia.

Insciö dess osta löm lominé dan dala jënt,

ch'ai vëighes ostes bones opres

y laldes osc Pere tl cil.



Tl vangele da incö ne se tratera nia da capí ci che "se dla tera" ó dí, mo da ester "se dla tera".

Y ara ne se trata gnanca da contemplé "la löm dl monn",

mo da vire sciöche "löm dl monn"

y da lominé zënza dodanza o pisima.

I orun ascuté cun le cör y cun düc nüsc sentimënc ci che Gejù ó nes dí

y s'infidé da vire aladô y da le desmostré te nosta vita,

ch'i diventunse insciö sü discepui a lalt de Chël Bel Dì

zënza orëi se mëte en mostra,

mo se meton deplëgn a sorvisc dla Buna Noela.

EDEMA - A	SAN MARTIN	LUNGIARÜ	11 de forá - De di Amará Bun Dî, i gnun da te y te periun cun les parores dl salmist (dal Salm 13) : Tan dî te desmëntieste pa ciamó, oh Dî, daldöt de me? Tan dî ascogneste pa ciamó to müs dan da me? Tan dî mëssi pa ciamó me cruzié te mia anima y porté, de por de, tan de crusc te mi cör? Ciara pö ca, dáme resposta, Signur, mi Dî, ilominëia mi edli. Ala fin de so messaje por le Dé di Amará 2026 inviëia le papa Leo XIV: Inalzun nosta oraziun ala beata vergina Maria, varijun di amará! Periun do so aiüt por düc i soferënc, por düc chi che á debojëgn de compasciun, de atenziun y de consolaziun! Orun la imploré cun chësta oraziun vedla do süa interzesciun por düc chi che é püri y á da patí. Santa Maria, cera uma, no t'un jí demez y no destó da me túa odlada. Acompagnëieme sön düc mi trus y no mai me lascé su/sora. Deache te ciales de me sciöche na dërta uma präieme decá la benedisciun dl Pere, dl Fi y dl Spirit Sant. Amen.
08.02.26 5ª DOMËNIA - ANN A Josefina Bakita	9.30 Corona do vocaziuns (siur Klaus) 10.00 Gran Mëssa por la comunité 3ª de sopoltöra + Helmut Frenner ++ Angelina y Pio Baldissera, dl ann + siur Angel Morlang, dl ann + Hans Pescoller, dl ann + Giovanni Flöss, dl ann	7.50 Corona (siur Klaus) 8.15 Gran Mëssa por la comunité vis y def. fam. Pio Sorà + Isidoro Clara, Toch aniv. Maria Anna Planatscher	
09.02.26 Apolonia, Alexia Lönesc			
10.02.26 Dedolönesc Scolastica, Silvan	8.00 Mëssa ++ da Ghejenara + Sepl Flöss, d'Arzó		
11.02.26 Santa Maria da Lourdes Dedemesaledema De Mondial di Amará	15.00 Mëssa tla capela da Bioch en onur de Santa Maria por i benefaturs dla capela da Bioch		
12.02.26 Jöbia grassa Luzian, Donata	19.00 Mëssa + Helmut Frenner		
13.02.26 Vëndres Adolf, Gisela	18.30 Adoraziun chîta 19.00 Adoraziun deboriada		
14.02.26 Sabeda Valentin, Ziril y Metode	18.30 Mëssa prefestia (don Marco) ++ Alfred y Erica Videsott vis y def. fam. Burkia Ferdigg + Opimia Morandetti		
15.02.26 6ª DOMËNIA - ANN A Domënia grassa	9.30 Corona (don Marco) 10.00 Gran Mëssa por la comunité vis y def. fam. Costabiei Tavella + Anna Frenes Castlunger ++ Paul y Loise Videsott	7.50 Corona (don Marco) 8.15 Gran Mëssa por la comunité aniv. ++ Monica y Pire Daporta ++ suor Amalia, Flora y Frater Lino, Majuns + aniv. + Albino Daporta + Paul Castlunger + Gabriele y Teodolinda Clara	